



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sulpici[i] Severi Presbyteri Opera Omnia

Sulpicius <Severus>

Amstelodami, 1665

Illustrissimis Eminentissimæ Academiæ Lugdunensis Batavæ Curatoribus,
D. Amelio à Bouckhorst, ...

urn:nbn:de:hbz:466:1-11490



ILLUSTRISSIMIS EMINENTISSIMÆ

ACADEMIÆ LUGDUNENSIS BATAVÆ

CURATORIBUS,

D. AMELIO à BOUCKHORST,
DOMINO DE WIMMENUM, EX OR-
DINE EQUESTRI IN DELEGATOS
PRÆPOTENTIUM HOLLANDIÆ
ORDINUM ADSCRIPTO, EJUSDEM-
QUE COLLEGII PRÆSIDI, RHE-
NOLANDIÆ AGGERUMQUE EJUS
PRÆFACTO AC COMITI, &c.

D. GERHARDO SCHAEP,
EQUITI, DOMINO DE CORTEN-
HOEVE, LEGATIONIBUS AD RE-
GES SEPTENTRIONIS GLORIOSE
PERFUNCTO, SUMMISQUE IN RE-
PUBLICA AMSTELODAMENSI DI-
GNITATIBUS FUNGENTI.

D. JOHANNI à THIELT,
REIPUBLICÆ HARLEMENSIS CON-
SULI, RHENOLANDIÆ CHOMAR-
CHO, &c.

FLO-

FLORENTISSIMÆ REIPUBL.

LUGDUNENSIS

CONSULIBUS,

D. CORNELIO VAN BUYTEVEST.

D. WILHELMO PAETS, JC.

D. ARNOLDO WITTENS, JC.

D. RIPPERDO VAN GROENENDIJK,
JC.

Ampliff. Consultiff. VIRIS,

D. PETRO à BURGERSDIJK, JC.

D. JOACH. à WEVELINCHOVEN, JC.

REIP. LUGD. SYND. ET SECRET. ACA-
DEMIE CURATORUM.

HÆC

SULPICI SEVERI

V. CL.

OPERA OMNIA

L. M. Q.

S. F.

GEORGIUS HORNIUS.

ILLU.

ILLUSTRISSIMI
ET EMINENTISSIMI
DOMINI,

CUM SVLPICII SEVERI
quæ extant omnia denuo in usum
juventutis à Typographo excu-
derentur, Commentariis nostris jam ante
multos annos illustrata vestroque nomini
inscripta, Illustres & Magnifici
Domini, tertiam hanc Editionem, ut
priors duas, non aliis quam vobis conse-
crandam duxi. Ea enim elegantissimi Sa-
crarum Historiarum scriptoris apud eru-
ditos est æstimatio atque authoritas, ut
dignissimum judicarint ex quo juvenilis
ætas, cum latinæ linguæ summa, id est
Sallustiana puritate, rerum simul sacris li-
teris traditarum notitiam hauriret: unde
cum alii libri rarius recudantur, hunc intra
annos non adeo multos tertia editione in
lucem mittendum Typographus censuit.

* 3

Quan-

DEDICATIO.

Quaquam vero Commentaria ex optimis atque lectissimis magno à nobis labore contexta scriptoribus, in eam excreverint molem, ut pro libelli exiguitate incrementum exegerint nullum: non pauca tamen hinc inde ut fieri solet posterioribus curis, mutata vel addita sunt. Ea enim ratio est sacrarum historiarum, ut nunquam quod mediteris, nunquam quod invenias desit, præsertim hoc seculo tam curioso, ut de quibus nemo unquam dubitavit ea examinare & tenuitate ingenii sui vexare ausint. Quorum quidem respondere si quis velit argutiis, neque ipsi unquam defutura est copia neque illis, quæ denuo pro pertinacia conquirant, abundantia.

Sed visum non fuit in hoc opere & hac ultima editione controversis recentioribus, nisi in quantum jam olim factum erat, locum dare, cum illud alii jam copiose

DEDICATIO.

piose argumentum præoccuparint & talia
 satius sit in Commentario ad usum juventu-
 tis parato præterire ac premere quam mul-
 tis exaggerare. Præcipua cura fuit rerum
 prout ab ipso autore traduntur rationem
 habere & tempora, loca, personas ac quic-
 quid præterea ad rem facere videbatur,
 illustrare. In VITA MARTINI
 & OPUSCULIS minori opus fuit
 labore, quod illa non eadem fide tradita
 sunt, sed sive SULPICII credulitas sive
 à quibus illa accepit, aliorum fraudulentia,
 multis fabulosis commentis occasionem
 præbuerit, quemadmodum jam olim suo
 loco ostendimus. Hanc tertium recensam
 & recusam SULPICII editionem vo-
 bis Illustres & Magnifici Academiæ
 Lugduno-Batavæ Curatoribus & hujus
 urbis Consulibus inscribendam propterea
 duxi, quod cum in prioribus nomina ve-

DEDICATIO.

stra legerentur, etiam huic præfigenda
duxerim honoris & observantiæ debitæ
argumentum, quemadmodum olim sacra-
menta Cæsaribus in annos renovabantur.

Deus Omnipotens diutissime vos, Il-
lustres, Magnifici, Prudentissimi Do-
mini, Academia, Reipublicæ, civitati,
incolumes florentesque conservet. Lug-
dun. Batav. xv. Aprilis. cIo Io c
LXV.

PRÆ.